

# PERATURAN KEJOHANAN PERSILATAN

## Silat Cekak Hanafi

### PERINGKAT KEBANGSAAN

---

#### PENDAHULUAN

Pertandingan Kejuaraan Persilatan Silat Cekak Hanafi Peringkat Kebangsaan adalah bertujuan untuk memaparkan kemahiran pesilat pesilat Silat Cekak Hanafi dan menghasilkan jenis-jenis persembahan baru yang boleh digunakan di dalam pertunjukan-pertunjukan Silat Cekak Hanafi di masa akan datang di samping mencungkil bakat-bakat baru di dalam aspek-aspek pertandingan yang dijalankan.

Pertandingan dijalankan dengan menilai persembahan sesuatu pasukan di mana persembahan adalah dilakukan di kalangan ahli-ahli sesama pasukan mereka sahaja mengikut kaedah-kaedah peraturan pertandingan.

#### BAB I PERATURAN PERTANDINGAN

##### FASAL 1

##### KELENGKAPAN PERTANDINGAN

###### Ayat 1

###### Kawasan Persembahan

- (a) Kawasan persembahan merupakan empat segi dengan keluasan tidak kurang dan 25 meter persegi (5 x 5 meter).
- (b) Kawasan persembahan boleh dibuat di tanah, lantai atau pentas yang rata yang pada pendapat Ketua Pertandingan ianya tidak membahayakan peserta.
- (c) Kawasan persembahan hendaklah dilapisi permukaan/alas yang lembut seperti getah, polyureten atau sebagainya bagi mengurangkan risiko kecederaan kepada peserta

###### Ayat 2

###### Ruang Teknikal

- (a) Ruang teknikal sejauh 2 meter sekeliling kawasan persembahan adalah dikhususkan untuk ruang teknikal

###### Ayat 3

###### Kelengkapan Kawasan Persembahan

Kelengkapan kawasan persembahan adalah terdiri dari

- (a) Jam pertandingan.
- (b) Gong, wisel atau lain-lain alat yang berfungsi sama.
- (c) Kelengkapan audio visual yang bersesuaian
- (d) Senjata yang diluluskan oleh Ketua Pertandingan untuk kegunaan pertandingan
- (e) Papan sekeping (tinggi 15 sm, lebar 23 sm, panjang 3.6 meter) untuk kegunaan pertandingan

###### Ayat 4

###### Kelengkapan Peserta

- (a) Peserta-peserta yang menyertai acara yang dikhususkan kepada ahli yang telah tamat perlu melakukan acara tersebut dengan pakaian seragam Silat Cekak Hanafi sahaja termasuk tengkolok dan talipinggang KECUALI peserta yang menyertai acara 9 (Sembilan). Peserta wanita dibenarkan memakai tudung.
- (b) Peserta yang menyertai acara 9 (Sembilan) perlu melakukan acara tersebut

# PERATURAN KEJOHANAN PERSILATAN

## Silat Cekak Hanafi

### PERINGKAT KEBANGSAAN

---

dengan pakaian busana lengkap (tanjak, baju layang, sampung dan capal).

- (c) Peserta-peserta yang menyertai acara yang dikhususkan kepada ahli yang belum tamat perlu melakukan acara tersebut dengan dengan Kemeja-T Latihan Silat Cekak Hanafi dan seluar latihan rasmi Silat Cekak Hanafi/seluar sukan berwarna biru gelap sahaja.

#### FASAL 2

#### PENYERTAAN

##### Ayat 1

Peringkat-peringkat yang dipertandingkan di dalam kejohanan adalah seperti berikut :

- (a) Peringkat Cawangan/Akademi Lelaki
- (b) Peringkat Cawangan/Akademi Wanita
- (c) Peringkat Universiti Awam/Universiti Swasta (UAS) Lelaki
- (d) Peringkat Universiti Awam/Universiti Swasta (UAS) Wanita
- (e) Peringkat Sekolah – Menengah Tinggi (18 tahun kebawah) Lelaki
- (f) Peringkat Sekolah – Menengah Tinggi (18 tahun kebawah) Wanita
- (g) Peringkat Sekolah – Menengah Rendah (15 tahun kebawah) Lelaki
- (h) Peringkat Sekolah – Menengah Rendah (15 tahun kebawah) Wanita

##### Ayat 2

Penyertaan bagi peringkat-peringkat seperti yang dinyatakan di dalam Ayat 1 (FASAL 2) dibahagikan kepada dua kategori iaitu Kategori Utama dan Kategori Terbuka

##### Ayat 3

Setiap kontinjen yang menyertai Kategori Utama bagi peringkat-peringkat seperti yang dinyatakan didalam Ayat 1 (FASAL 2) dan Ayat 2 (FASAL 2) dikenakan yuran sebanyak RM150 (Seratus Lima Puluh Ringgit Malaysia Sahaja) bagi setiap PASUKAN.

##### Ayat 4

Setiap pasukan yang menyertai Kategori Terbuka bagi peringkat-peringkat seperti yang dinyatakan di dalam Ayat 1 (FASAL 2) dan Ayat 2 (FASAL 2) dikenakan yuran sebanyak RM25 (Dua Puluh Lima Ringgit Malaysia Sahaja) bagi setiap penyertaan dalam setiap acara.

##### Ayat 5

Setiap kontinjen hendaklah terdiri dari

- (a) Minimum 1 (satu) orang atau maksimum 2 (dua) orang Pengurus Pasukan (tidak mengambil bahagian dalam persembahan) bagi setiap pasukan
- (b) (1) Seorang Ketua Pasukan (yang boleh mengambil bahagian didalam persembahan) bagi setiap pasukan.
- (c) 5 (Lima) hingga 29 (Dua Puluh Sembilan) orang peserta bagi setiap pasukan jika menyertai Kategori Utama.
- (d) Minimum 2 (dua) orang peserta (tiada bilangan peserta maksimum) jika pasukan yang menyertai kategori terbuka
- ~~(e) (1) Seorang Jurulatih/Koreografer Bertauliah bagi setiap kontinjen (tidak mengambil bahagian dalam persembahan)~~

##### Ayat 6

Bagi Penyertaan di Kategori Utama bagi Sekolah, Kontinjen yang bertanding hanya dibenarkan menghantar (1) SATU pasukan LELAKI dan (1) SATU pasukan WANITA sahaja bagi peringkat Menengah Rendah serta (1) SATU pasukan LELAKI dan (1) SATU pasukan WANITA sahaja bagi peringkat Menengah Atas.

## PERATURAN KEJOHANAN PERSILATAN

### Silat Cekak Hanafi

#### PERINGKAT KEBANGSAAN

---

- Ayat 7** Bagi Penyertaan di Kategori Utama bagi Universiti Awam/Universiti Swasta, Kontinjen yang bertanding hanya dibenarkan menghantar (1) SATU pasukan LELAKI dan (1) SATU pasukan WANITA sahaja.
- Ayat 8** Kontinjen dari Cawangan/Akademi yang bertanding dibenarkan menghantar lebih dari satu pasukan bagi penyertaan di Kategori Utama.
- Ayat 9** Kesemua kontinjen yang bertanding dibenarkan menghantar lebih dari satu pasukan bagi penyertaan di Kategori Terbuka.
- Ayat 10** Acara 5 (Lima) dan Acara 10 (Sepuluh) hendaklah disertai oleh ahli-ahli yang belum tamat tetapi telah sampai ke peringkat buah jatuh yang kesepuluh.
- Ayat 11** Acara 4 (Empat) dan Acara 11 (Sebelas) hendaklah disertai oleh ahli-ahli yang belum tamat tetapi sekurang-kurangnya telah sampai ke peringkat buah jatuh yang kedua puluh.
- Ayat 12** Setiap pasukan tidak boleh dianggotai oleh lebih daripada 3 (Tiga) orang Jurulatih Tahap 3 kecuali kategori terbuka. Tiada had jurulatih bagi penyertaan di kategori terbuka.
- Ayat 13** Hanya Tenaga Pengajar yang berasal dari kelas masing-masing yang boleh mewakili pasukan cawangan/akademi, universiti awam/universiti swasta dan sekolah tersebut bagi kategori utama.
- Ayat 14** Fasal 2 (Ayat 13) tidak tertakluk kepada kategori terbuka.
- Ayat 15** Seorang peserta tidak boleh mewakili lebih daripada satu pasukan kategori utama dan kategori terbuka.
- Ayat 16** Setiap peserta hendaklah didaftarkan di dalam borang pendaftaran peserta dan disahkan oleh Pengurus Pasukan seterusnya dihantar kepada urusetia 14 (empat belas) hari sebelum hari pertandingan.
- Ayat 17** Sebarang pertukaran kepada senarai peserta tidak boleh dibuat setelah pertandingan bermula.

# PERATURAN KEJOHANAN PERSILATAN

## Silat Cekak Hanafi

### PERINGKAT KEBANGSAAN

---

#### FASAL 3

##### CORAK DAN WAKTU PERSEMBAHAN

##### Ayat 1

Pertandingan ini mempunyai dua Kategori iaitu Kategori Utama yang mempunyai 5 (Lima) Acara dan Kategori Terbuka yang mempunyai 6 (Enam) Acara.

##### Ayat 2

Setiap Kategori mempunyai acara yang hanya boleh disertai oleh ahli tamat atau ahli belum tamat sahaja

##### Ayat 3

Kategori Utama perlu dilakukan oleh 5 (Lima) atau 6 (Enam) orang pesilat

##### Ayat 4

Kategori Terbuka perlu dilakukan oleh 2 (Dua) atau 3 (Tiga) orang pesilat

##### Ayat 5

Perlaksanaan adalah tertakluk kepada komponen yang ditentukan dan ada had waktunya.

##### Ayat 6

Persembahan pertandingan yang lengkap bagi cawangan/akademi, institut pengajian tinggi dan sekolah adalah terbahagi kepada 8 (Lapan) kategori untuk lelaki dan 8 (Lapan) kategori untuk wanita seperti yang terkandung di dalam format pertandingan wujud diri Silat Cekak Hanafi.

#### FASAL 4

##### ATURAN PERTANDINGAN

##### Ayat 1

Pertandingan adalah berasaskan kepada penilaian yang diberikan kepada peserta-peserta yang membuat persembahan sahaja.

##### Ayat 2

Larangan-larangan di dalam persembahan ialah

- (a) Persembahan-persembahan yang membahayakan penonton dan pegawai.
- (b) Kelakuan yang biadap dan tidak sopan seperti mengejek, meludah dan sebagainya.
- (c) Kelakuan yang mencabar.
- (e) Tidak dibenarkan mengikat mata dan / atau mengikat tangan.
- (f) Tidak dibenarkan lelaki dan wanita berpasangan sama ada di dalam kategori berpasangan dan / atau Utama.
- (g) Para penonton atau penyokong adalah tidak dibenarkan membantu sama sekali mana-mana pasukan yang sedang mempersembahkan persembahan mereka.

#### FASAL 5

##### PENILAIAN

##### Ayat 1

Mata penilaian untuk persembahan adalah seperti berikut

- (a) Penilaian akan diberikan berdasarkan kepada 3 (tiga) perkara utama iaitu
  - i) Kaedah dan keaslian
    - (a) Kecekapan
    - (b) Ketangkasan

## PERATURAN KEJOHANAN PERSILATAN

### Silat Cekak Hanafi

#### PERINGKAT KEBANGSAAN

---

	(c) Keaslian Kaedah	(20 mata)
ii)	Ciri-ciri persembahan	
	(a) Tatatertib	
	(b) Pakaian	
	(c) Kreativiti	
	(d) Kesungguhan	(15mata)
iii)	Penilaian Keseluruhan	(15 mata)
		-----
		(50 mata)
		-----

#### Ayat 2

##### Pengurangan Nilai

Pengurangan nilai akan dibuat jika pasukan tidak mematuhi waktu yang telah ditetapkan had waktunya. Pengurangan nilai akan ditolak daripada jumlah markah yang diperolehi dari kesemua juri.

Lebih 5 saat - Tolak 2 mata

Tambahan setiap 1 saat - Tolak  $\frac{1}{4}$  mata

## FASAL 6

### PERLAKSANAAN PENGADILAN

#### Ayat 1

Setiap pertandingan akan diketuai oleh Ketua Juri, Pembantu Ketua Juri dengan 2 (dua) orang Juri yang diiktiraf oleh Lembaga Pelajaran & Tatatertib (LPT).

#### Ayat 2

1(satu) orang juri akan memberi nilai untuk perkara Kaedah dan Keaslian, dan 1(satu) orang juri untuk Ciri-ciri Persembahan.

#### Ayat 3

Pengurusan perkiraan nilai akan dibuat oleh Pembantu Ketua Juri dan bertanggungjawab kepada Ketua Juri.

#### Ayat 4

##### Tugas Ketua Juri

Setiap Ketua Juri adalah bertanggungjawab:

- (a) Mengendalikan pertandingan dan menguruselia juri-juri setiap persembahan.
- (b) Memberi markah penilaian keseluruhan bagi setiap persembahan.
- (c) Memberi pengurangan nilai jika persembahan tidak mengikut waktu yang diuntukkan.
- (d) Menandatangani borang pemarkahan yang telah dikira.

#### Ayat 5

##### Tugas Juri

Setiap Juri adalah bertanggungjawab

- (a) Memberi markah setiap persembahan dan di bawah pengawasan Ketua Juri

#### Ayat 6

##### Tugas Pengamat Waktu

Pengamat waktu adalah bertanggungjawab

- (a) Menghidupkan jam pertandingan bagi memulakan setiap persembahan yang ditentukan had waktu.

# PERATURAN KEJOHANAN PERSILATAN

## Silat Cekak Hanafi

### PERINGKAT KEBANGSAAN

---

- (b) Memberi amaran waktu 10 (sepuluh) saat sebelum masa persembahan tamat dan mengakhiri persembahan.

#### FASAL 7

##### PENGURUS PASUKAN

##### Ayat 1

Setiap pasukan perlu mempunyai seorang pengurus pasukan.

##### Ayat 2

Tanggungjawab pengurus pasukan ialah

- (a) Untuk menentukan setiap pasukan dan peserta membuat persembahan mengikut peraturan dan waktunya.
- (b) Menerima segala arahan dari pegawai-pegawai pertandingan dan melaksanakannya.

#### FASAL 8

##### PENENTUAN KEMENANGAN

##### Ayat 1

Kemenangan adalah berasaskan kepada jumlah nilai yang paling banyak didapati oleh sesuatu pasukan.

##### Ayat 2

Sekiranya terjadi persamaan nilai maka pasukan yang mempunyai kelebihan di dalam nilai Kaedah dan Keaslian akan dikira menang.

##### Ayat 3

Jika seri juga, pasukan yang mempunyai nilai yang lebih dalam Ciri-ciri Persembahan akan dikira menang.

##### Ayat 4

Jika seri juga, pasukan yang kurang pengurangan nilai akan dikira menang.

##### Ayat 5

Jika seri juga, undian wang akan dilakukan.

##### Ayat 6

Johan keseluruhan bagi setiap pasukan lelaki dan wanita berasaskan jumlah pungan mata bagi kesemua kategori berpasangan dan kategori Utama tidak termasuk kategori khas.

##### Ayat 7

Mata bagi setiap kategori adalah seperti berikut:

- |                   |          |
|-------------------|----------|
| 1. Johan (emas)   | - 9 mata |
| 2. Naib Johan     | - 7 mata |
| 3. Tempat Ketiga  | - 5 mata |
| 4. Tempat Keempat | - 3 mata |
| 5. Tempat Kelima  | - 2 mata |
| 6. Tempat Keenam  | - 1 mata |
| 7. Tempat Ketujuh | - 1 mata |

##### Ayat 8

Segala keputusan akan diumumkan oleh Ketua Pertandingan atau mana-mana orang yang diberi mandat oleh Ketua Pertandingan.

#### FASAL 9

##### FORMAT KEJOHANAN WAJADIRI NASIONAL Silat Cekak Hanafi 2018

##### Ayat 1

Format persembahan adalah seperti berikut

- (a) Peserta persembahan bergerak ke arena persembahan.

# PERATURAN KEJOHANAN PERSILATAN

## Silat Cekak Hanafi

### PERINGKAT KEBANGSAAN

---

- (b) Peserta persembahan bersedia untuk memulakan persembahan.
- (c) Ketua Juri akan memberikan arahan kepada peserta.
- (d) Hormat peserta dilakukan dan persembahan dimulakan.
- (e) Tanda ingatan masa 10 (sepuluh) saat sebelum waktu persembahan tamat dibunyikan bagi komponen yang ditetapkan waktu persembahan.
- (f) Hormat pasukan beramai-ramai dilakukan.

#### Ayat 2

##### Kategori Utama - Tamat (Lelaki & Wanita)

- Acara 1 : Gerak Senaman Cekak Hanafi+ Buah Jatuh Kreatif – 3 minit
- Acara 2 : Umum Senjata – 30 saat
- Acara 3 : Umum Papan Sekeping – 30 saat

#### Ayat 3

##### Kategori Utama - Belum Tamat (Lelaki & Wanita)

- Acara 4 : 4 Serang 1 (4 serangan dari pelbagai arah dan 1 serangan serentak)- 1 minit
- Acara 5 : Buah Jatuh (6 buah seragam) – 2 minit

#### Ayat 3

##### Kategori Terbuka - Tamat (Lelaki & Wanita)

- Acara 6 : Menangkis serangan pisau - 1 minit
- a) Dari arah depan
  - b) Dari arah kiri (simbat)
  - c) Dari arah bawah (~~atas papan sekeping~~)
  - d) Kreatif – 2 (dua) serangan dari pelbagai kaedah
- Acara 7 : Menangkis serangan kaki - 1 minit
- a) Dari penyepak minang
  - b) Dari penyepak luar
  - c) Dari penyepak 'reverse kick'
  - d) Dari penyepak sisi (~~atas papan sekeping~~)
  - e) Kreatif – 1 (satu) serangan dari pelbagai kaedah
- Acara 8 : Menangkis serangan tongkat - 1 minit
- a) Dari arah atas
  - b) Dari arah kanan (~~atas papan sekeping~~)
  - c) Dari arah kiri
  - d) Dari tongkat panjang
  - e) Kreatif – 1 (satu) serangan dari pelbagai kaedah
- Acara 9 : Senaman Lading dan Menangkis Serangan menggunakan Parang Lading - 2 minit

## PERATURAN KEJOHANAN PERSILATAN

### Silat Cekak Hanafi

#### PERINGKAT KEBANGSAAN

---

- a) Senaman Lading
- b) Dari arah depan
- c) Dari arah bawah (~~atas papan sekeping~~)
- d) Dari arah kiri
- e) Kreatif – 1 (satu) serangan dari pelbagai kaedah

#### Ayat 4

##### Kategori Terbuka - Belum Tamat (Lelaki & Wanita)

Acara 10 : Gerak Silat Sepasang – 2 minit

- 1) Kaedah
- 2) Minimum 4 Buah Asas (1-10)
- 3) Minimum 4 Buah Jatuh (1-10)

Acara 11 : Gerak Silat Trio – 2 minit

- 1) Kaedah
- 2) Minimum 4 Buah Asas (11-20)
- 3) Minimum 4 Buah Jatuh (11-20)

#### Ayat 5

##### Senarai Buah Seragam Untuk Acara 1 (Gerak Senaman Cekak Hanafi & Buah Jatuh Kreatif)

- 1) Keputusan Sendeng Atas [Kiri]
- 2) Buah Paras (Pecahan 1)
- 3) Buah Pertama
- 4) Buah Hempok (Pecahan 1)
- 5) Buah Kuntau Jatuh [Kiri]
- 6) Keputusan Lintau [Kiri]

Gerak Senaman Cekak Hanafi perlu dilakukan mengikut ketetapan dan hebahan yang dikeluarkan oleh penganjur dan 6 Buah Seragam hendaklah dilaksanakan mengikut turutan.

#### Ayat 6

##### Senarai Buah Seragam Untuk Acara 5 (Buah Jatuh)

- 1) Buah Kidung Kiri
- 2) Buah Kuntau Kanan Gantung
- 3) Buah Kilas Depan
- 4) Buah Hentak (Keputusan Silat Harimau)
- 5) Buah Kuntau Kiri Gantung
- 6) Keputusan Gayong Fatani (Pecahan 2)

#### Ayat 7

Bagi Acara 2 (Dua) dan Acara 3 (Tiga), persembahan hendaklah dibuat secara gabungan tangan kosong dan sekurang-kurangnya 2 serangan senjata.

#### Ayat 8

Bagi Acara 9 (Sembilan) hero hendaklah pemegang parang lading dan serangan dibuat secara gabungan tangan kosong, senjata dan kaki.

## BAB II – PERATURAN PERLAKSANAAN TEKNIK PERTANDINGAN

### FASAL 10

#### SUSUNAN PERLAKSANAAN PERTANDINGAN

#### Ayat 1

Susunan perlaksanaan teknik pertandingan ialah

- (a) Ketua Pertandingan
- (b) Timbalan Ketua Pertandingan
- (c) Ketua Juri Teknikal



# PERATURAN KEJOHANAN PERSILATAN

## Silat Cekak Hanafi

### PERINGKAT KEBANGSAAN

---

- (d) Ketua Juri Arena yang dibantu oleh
  - i) Pembantu Ketua Juri Arena
  - ii) Juri Arena
  - iii) Pengamat Waktu
  - iv) Jawatankuasa Teknikal Pertandingan
- (c) Juri Rayuan
- (d) Juru Audit

#### FASAL 11

##### **KETUA PERTANDINGAN**

- Ayat 1 Mengetuai dan bertanggungjawab atas kelancaran pertandingan.
- Ayat 2 Mempunyai mandat untuk melantik Timbalan Ketua Pertandingan.
- Ayat 3 Mengaturkan tugas-tugas Ketua Juri dan Juri.
- Ayat 4 Memutuskan masalah pertandingan di tingkat pertama.
- Ayat 5 Mengemukakan masalah pertandingan kepada Juri Rayuan.
- Ayat 6 Mengesahkan segala keputusan sebelum pengumuman keputusan dibuat.

#### FASAL 12

##### **TIMBALAN KETUA PERTANDINGAN**

- Ayat 1 Membantu Ketua Pertandingan menjalankan tanggungjawab.
- Ayat 2 Menjalankan fungsi sebagai Ketua Pertandingan ketika ketiadaan Ketua Pertandingan.

#### FASAL 13

##### **KETUA JURI TEKNIKAL**

- Ayat 1 Mengetuai dan bertanggungjawab atas aspek teknikal kejohanan.

#### FASAL 14

##### **KETUA JURI ARENA**

- Ayat 1 Mengetuai dan bertanggungjawab atas kelancaran pertandingan di Kawasan Persembahan yang ditugaskan.

#### FASAL 15

##### **JURI ARENA**

- Ayat 1 Bertanggungjawab menjalankan tugas-tugas penjurian di kawasan persembahan yang ditugaskan dan melapor kepada Ketua Juri Arena yang ditugaskan semasa pertandingan.
- Ayat 2 Juri yang akan menjalankan tugas harus memenuhi syarat
  - (a) Memiliki kepandaian silat.
  - (b) Bersikap 'neutral' dan tidak berat sebelah.
  - (c) Dapat membuat kesimpulan dan memberi nilai dengan cepat dan tegas.
  - (d) Telah mengikuti Kursus Kelayakan Penjurian Silat Cekak Hanafi dan lulus dalam penilaian yang dijalankan

#### FASAL 16

##### **JURI RAYUAN**

- Ayat 1 Juri Rayuan adalah mereka yang dipilih oleh Lembaga Pelajaran dan Tatatertib

## PERATURAN KEJOHANAN PERSILATAN

### **Silat Cekak Hanafi**

#### PERINGKAT KEBANGSAAN

---

Persatuan Seni Silat Cekak Ustaz Hanafi Malaysia.

**Ayat 2** Juri Rayuan adalah terdiri dari 3 (tiga) hingga 5 (lima) orang.

**Ayat 3** Juri Rayuan mempunyai kuasa tertinggi untuk memberi keputusan terhadap masalah pertandingan yang dikemukakan kepadanya

**Ayat 4** Keputusan Juri Rayuan adalah mutlak dan muktamad serta tidak boleh dipersoalkan.

#### **FASAL 17**

##### **JURU AUDIT**

**Ayat 1** Juru Audit adalah mereka yang dipilih oleh Lembaga Pelajaran dan Tatatertib Persatuan Seni Silat Cekak Ustaz Hanafi Malaysia.

**Ayat 2** Juru Audit adalah terdiri dari 1 (satu) orang.

**Ayat 3** Juru Audit bertanggungjawab menyemak dan mengesahkan segala keputusan pertandingan sebelum diserahkan dan diumumkan oleh Ketua Pertandingan.

# PERATURAN KEJOHANAN PERSILATAN

## Silat Cekak Hanafi

### PERINGKAT KEBANGSAAN

---

#### FASAL 17

##### **BANTAHAN**

Setiap bantahan terhadap keputusan atau kelayakan peserta boleh dikemukakan melalui Borang Bantahan yang disediakan oleh pihak penganjur dan diajukan terus kepada Setiausaha Lembaga Pelajaran dan Tatatertib atau wakil yang dilantik oleh beliau dalam masa 10 (sepuluh) minit selepas persembahan di buat diiringi dengan wang pertaruhan sebanyak RM350.00 (Ringgit Malaysia: Tiga Ratus Lima Puluh Sahaja) yang akan dikembalikan sekiranya bantahan tersebut diterima. Walau bagaimanapun bantahan terhadap fakta-fakta pengadilan yang dibuat oleh juri adalah tidak dibenarkan.

#### FASAL 18

##### **PERLANGGARAN DAN HUKUMAN**

Perlanggaran terhadap sebarang perkara yang termaktub di dalam peraturan kejohanan dan keputusan Juri Rayuan serta penyimpangan dari tatatertib penyelenggaraan dapat dikenakan hukuman

- (a) Teguran.
- (b) Peringatan.
- (c) Larangan mengikuti kegiatan pertandingan.
- (d) Pembatalan kemenangan dan hadiah ditarik balik.
- (e) Pembatalan penyertaan kontinjen.

#### FASAL 19

##### **HADIAH, SIJIL DAN PIALA PUSINGAN**

##### **Ayat 1**

Jumlah hadiah dan sijil akan ditentukan dan disediakan oleh Jawatankuasa Penganjur.

##### **Ayat 2**

Piala-piala pusingan yang dipertandingkan adalah seperti berikut :

- (a) Piala Ustaz Hanafi – Juara UAUS Lelaki
- (b) Piala Presiden – Juara UAUS Wanita
- (c) Piala Guru Utama – Juara Peringkat Sekolah Menengah Tinggi Lelaki
- (d) Piala Panglima Ismail – Juara Peringkat Sekolah Menengah Tinggi Wanita
- (e) Piala MMT – Juara Peringkat Sekolah Menengah Rendah Lelaki
- (f) Piala Serikandi Silat Cekak Hanafi – Juara Peringkat Sekolah Menengah Rendah Wanita
- (g) Piala Panglima Tok Rashid – Juara Peringkat Cawangan/Akademi.

##### **Ayat 3**

Piala-piala pusingan tersebut hendaklah dikembalikan kepada Urusetia Juri Teknikal dalam tempoh 6 (enam) bulan selepas kejohanan berlangsung. Kelewatan memulangkan piala-piala tersebut akan dikenakan denda sebanyak RM100 (Satu Ratus Ringgit Malaysia Sahaja) bagi setiap piala.

##### **Ayat 4**

Pemenang piala-piala pusingan adalah bertanggungjawab menjaga dan memastikan piala-piala tersebut berada di dalam kondisi yang baik. Sebarang kerosakan yang

## PERATURAN KEJOHANAN PERSILATAN

### **Silat Cekak Hanafi**

## PERINGKAT KEBANGSAAN

---

berlaku atas piala-piala tersebut akan dikenakan denda gantirugi sebanyak RM500 (Lima Ratus Ringgit Malaysia Sahaja) bagi setiap piala.

#### FASAL 20

#### ACARA PERTANDINGAN

Acara pertandingan akan ditentukan oleh Jawatankuasa Penganjur dengan panduan bahawa tidak ada kategori yang akan dipertandingkan sekiranya penyertaan kurang daripada 4 (empat) pasukan.

#### BAB III - PENUTUP

Hal-hal pelaksanaan yang tidak terdapat di dalam peraturan ini akan ditetapkan oleh Lembaga Pelajaran dan Tatatertib Persatuan Seni Silat Cekak Ustaz Hanafi Malaysia.

**Diluluskan oleh Lembaga Pelajaran dan Tatatertib pada tarikh**